

Kako na selu živjeti od stočarstva?

Ajida Musić živi u domaćinstvu sa suprugom Mirzetom i kćerkom Dženitom u Gornjim Dubravama, opština Živinice. Ajida i Mirzet se bave uzgojem muznih krava. Posjeduju 20 dunuma vlastite zemlje i 20 dunuma koje im je dala rodbina na korištenje. Zemlju koriste za uzgoj kukuruza, od koga spremaju vlastitu silažu koju koriste za ishranu muznih krava. Na ovaj način Musići postižu znatnu uštedu na troškovima stočne hrane, koju bi inače morali kupovati. Ova vrijedna porodica je započela biznis sa dvije muzne krave, a sada je to već ozbiljno gazdinstvo koje broji 8 krava. Od samog početka bavljenja uzgojem muznih krava koriste Partnerove kredite za proširenje stočarstva.



Slika: Aida i Mirzet Musić

Prvi kredit Ajida je podigla u Partnerovoj poslovnici u Živinicama još 2008. godine. Kako je proširivala stočni fond tako je rasla potreba za novim kreditnim sredstvima. U međuvremenu su Musići izgradili novu štalu koju su finansirali dijelom od prodaje mlijeka i teladi, a dijelom od Partnerovih kredita.

Ajidu smo zatekli u novoizgrađenoj štali, zajedno sa suprugom Mirzetom. Štala ima sve elemente potrebne za savremeni način držanje muznih krava: hranidbeni hodnik, hodnik za izdubavanje, prostrano ležište, velike prozore kroz koje je cirkulisalo dovoljno zraka i svjetlosti. Ova besprijekorno uredna i čista štala, ima sve uslove za kvalitetan uzgoj krava, a sve to zahvaljujući vrijednim i uzornim domaćinima.

Ajida i Mirzet su započeli svoju životnu priču i važnim odlukama koje su morali donijeti. Ajidin muž Mirzet je radio kao bagerista u privatnoj firmi u Sarajevu. Bio je stalno na terenu, plate su bile male i neredovne tako da ga je više koštala hrana i smještaj nego što je mogao zaraditi. Već nekoliko mjeseci je trpio takvu situaciju, bio u minusu, što se jako odrazilo na prihod u domaćinstvu. Ajida je sa kćerkom Dženitom, obavljala sve poslove na imanju i u štali, jedva su stizale da urade sve poslove i pomoć im je bila neophodna. Mirzet i Ajida su razmislili i odlučili da Mirzet napusti posao od koga praktično nije imao nikakve zarade. Tako su izašli iz nepovoljne situacije. Mirzet je napustio posao proširili su stočni fond i izgradili novu štalu. Sada Ajida, Mirzet i kćerka Dženita rade na vlastitoj farmi. Njih troje uspiju završiti sve dnevne poslove na farmi, a u sezonskim poslovima kad pripremaju silažu, pomogne im starija kćerka koja je udata i živi odvojeno od njih. Kažu da im u domaćinstvu ostaje znatno više novca od muznih krava nego da sve troje rade i zarađuju plate koju je Mirzet zarađivao. Sada su svi zaposleni i imaju dovoljno za potrebe u domaćinstvu, a od prodaje mlijeka i teladi mogu i da uštede. Dnevno isporučuju 100 l mlijeka otkuplivaču mlijeka „Milkland“-u od toga po litri mlijeka dobiju 0,53 KM. Kada se na to još dodaju podsticaji po litri mlijeka, postignu solidnu otkupnu cijenu mlijeka. U toku godine prodaju telad, što im služi kao dodatna zarada. Ovi vrijedni farmeri, strogo vode računa o higijeni štale i cjelokupnom procesu od muže do isporuke mlijeka, te zbog toga postižu ekstra kvalitet mlijeka. Zbog takvog kvaliteta mlijeka i ekstra klasifikacije, gotovo redovno ih nagrađuje mljekara sa dodatnih 0,30 KM.

„Partnerovi krediti mi u potpunosti odgovaraju, pogotovo što su mjesečne rate prilagođene primanjima koje imamo od prodaje mlijeka, tako da nemamo nikakvih problema da svoje obaveze izmirujemo na vrijeme. Iako imamo dosta iskustva u ovom poslu, savjete koje dobijamo od Partnerovih uposlenika, itekako nam pomažu da primjenjujemo nova znanja iz stočarstva“, istakla je Ajida.

Kažu da tu neće stati, imaju namjeru još širiti stočni fond i zemljište, te nabavljati mehnizaciju, trebaće im i dalje Partnerova novčana podrška.